



Векало Кипас яздина шолгIа кехат

Векало Кипас яздина шолгIа кехат хьалххе дуйна а Иийсана тIаьхьа-хIиттина хиллачу дуккха а нахе яздина ду. Цуьнан коьрта гIайгIанаш бу: харц хьехамаша дечунна а, царах хуьлчу талхарна а дубхьало яр. Дела а, Веза Эла волу Иийса а билггал вовзаро жоп ло цу гIайгIанашна. Иийса гиначу а, Цо бина хьехамаш хезначу а наха дийцина шайна и довзар. Яздархочунна хьалха цхьа чIогIа гIайгIане болу харц хьехам бу, Дала леррина Кьобалвинарг юхавогIур вац бохуш. Цунна жоп а луш, цо дуйцу Иийса дуйнен тIе юхаваран де тIекхачаре хьобжуш кхин а собардан деза, хIунда аьлча Далла «ца лаьа цхьа а хIаллакхийлита, ткьа мас-со а адам, шегара даьллачу вочу хIуманна дохко а даьлла, Шена тIедреза лаьа Цунна».

Дешхьалхе

1 ¹Дала леррина кьобалвинчу Иийсан лай а, векал а волчу ШамIа-Кипас яздо хIара кехат. Вайн Дела а, КIелхьардохург а волчу Дала леррина кьобалвинчу Иийсан нийсонехула, вайниг санна, деза тешар тIеэц-начаьрга яздо ас. ²Дела а, вайн Веза Эла волу Иийса а вовзарехь Делан дика а, синпаргIато а совйолийла шун.

Дала тIекхайкхар а, харжар а

³Иийсагахь болчу Делан ницкьо оьшуш мел дерг делла вайна бак-кьалла а суьпа дахархьама, хIунда аьлча Шен сийлаллица а, оьздангаллица а вайга Кхайкхийнарг вевза вайна. ⁴Ша лур ду аьлла сийлахь а, деза а совгIаташ делла Цо вайна Шен сийлаллехула а, оьздангаллехула а, уьш бахьана долуш, хьарамчу лаамаша дуйнен чохь лелачу талхарна гена а девлла, шу Деле терра хилийтархьама. ⁵Цундела аша берриг а ницкъ тIебахийта шайн тешар оьздангаллица совдаккхархьама. Ткьа оьздангалла кхетамца совьяккха. ⁶Кхетам юхаозадаларца а, юхаозадалар собарца а, собар суьпаллица а совдаккха. ⁷Суьпалла вежараллица а, вежаралла безамца а совдаккха. ⁸Нагахь и дерриг а, шуьца дан а долуш, алсамдолуш делахь, вайн Веза Эла, Дала леррина кьобалвина Иийса

вовзарехъ кхиам а, стом а боцуш дубсур дац шу. ⁹Ткъа иза шеца доцург бIаьрзе ву. Цунна хIумма а гур дац. Цо дицдина хьалхалерчу кьинойх ша цIанвар.

¹⁰Цундела, вежарий, кхидIа а хьовсалаш Дала шаьш тIекхайкхар а, харжар а бакъ хилар гайта. Иштта хилахъ, цкъа а галдевр дац шу. ¹¹Иштта карор бу шуна вайн Везачу Элан, КIелхьардохучун, Дала леррина кьобалвинчу Ийсан даим йолчу пачхьалкхе кхочу маьрша некъ.

¹²Цундела ас иза гуттар а дагахъ латтор ду, цунах дерг шуна хаахъ а, шайна деллачу бакъдолчунна тIехъ шу чIагIдина делахъ а. ¹³Суна нийса хета, хIара дегIан чарх айса мел лелайо, дагалецамашца шу карзахдахар. ¹⁴Вайн Везачу Эло, Дала леррина кьобалвинчу Ийсас сайга схьа-ма-хай-ийтгара, хаьа суна кестга сайн са дегIах къаста дезаш хилар. ¹⁵Со шух къаьстинчул тIаьхьа а, и дерриг а шуна дагахъ латтийта, сайн ницкъ кхо-чург дийр ду ас.

Дала леррина Кьобалвинчун сийлалла гина тешаш

¹⁶ХIунда аьлча нехан мекарчу туьйранех тардина ца дийцина оха шуна, вайн Дала леррина кьобалвина Ийса-Эла вогIур ву аьлла. Тхо тхаьш Цуьнан сийлалла гина тешаш ду. ¹⁷ХIунда аьлча Да волчу Делера схьаэцна Цо сий а, дозалла а, Шена тIе уггар лакхарчу Паччахьера аз деача: «Иза Суна дукхавезаш волу Сан кIант ву, Цуьнца бу Сан лаам!» ¹⁸Стигалара деана и аз тхуна хезира, Ийсаца безачу лам тIехъ тхо долуш.

¹⁹Тхуна хаьа пайхамарийн дош билггала бакъ дуйла. Цу дашна тIе тидам бахийтар тоьлуш ду шуна. Боданехъ йолу серло санна, ду иза, серла-яла а йолаелла, Иуйренан седа шун дегнашкахъ гучубаллалц. ²⁰Уггар хьалха шуна хаа дезаш ду Делан Йозанашкара Делера болу хаам шена ма-хеттара бийцалург цахилар*. ²¹ХIунда аьлча цкъа а Делера болу хаам адаман лаамца беш ца хилла, амма наха, Делан Са шайна чохъ а лелош, Делера долу дешнаш дуйцура.

Харцхьехамчаш

2 ¹Халкъана юкъахъ харцпайхамарш ма-хиллара, шуна юкъахъ а харцхьехамчаш хир бу. Шайн кьинойх мах дIабелла волу Хьалдолу Эла дIа а тесна, стаг хIаллакхьуьлуйту харц хьехамаш чубахьар бу цара. Иза бахьана долуш шайн чехка хIаллакхилар гергахъ узур ду цу наха. ²Дукхакхберш, царах дIа а тарбелла, телхар бу, уьш бахьана долуш бакъдолчун некъ емалбина хир бу. ³Шайн саьхараллица шух пайда эца хьовсур бу

* ^{1:20} Делера болу хаам шена ма-хеттара бийцалург ца хилар. Я иштта: Делера болу хаам пайхамарера ша схьабаьлла цахилар.

уьш, мекара мотт а буьйцуш. Церан Кхелахо тоххара кийча а ву, уьш ХIаллакхьуьлуйтург наб еш а вац.

⁴ХIунда аьлча кьинош летийначу маликашна а геч ца дина Дала. Жьожахатин бодашка хьовсийна Цо уьш, царна тIехъ кхел яллалц, уьш цигахъ буржалш а тоьхна дита. ⁵Хьалха заманахьлера Iеса адам хIаллак-дина Дала, тIе хи а далийтина. Делахъ а Далла хьалха нийса хиларх лаьцна болу хьехам бинчу Нохьин доьзалера бархI са кIелхьардаьккхина Цо. ⁶ХIаллакьян кхел а йина, чим бина дIаяьхна Цо Седам а, Iамор а цIераш йолу гIаланаш, Iесачу нахана хиндолчун масал гойтуш. ⁷Бохьа мел дерг лелочу харцахьарчу нахана юкъахъ балехъ вавллина Делан лаамехъ волу ЛутIа кIелхьарваьккхина Цо. ⁸(ХIунда аьлча царна юкъахъ Ийина и Делан лаамехъ волу стаг хIора дийнахъ дагахъ бала лаьтташ вара, цу наха лело боьха гIуллакхаш ган а гуш, царах дерг хаза а хезаш.) ⁹Везачу Элана хаьа Шен лаамехъ берш церан зенех кIелхьарбаха а, ткъа Шен лаамехъ бо-цуш царна кхел ен йолчу дийне хьовсийна, таIзар а деш, латто а, ¹⁰къаьсттина шайн догIмийн хьарамчу лаамашна тIаьхьахIиттинарш а, шайна тIехъ Деле олалла ца дойтурш а.

КIоршаме а, шайн лаамехъ а болу и харцхьехамчаш стигалан сийлал-лин бахархошна лен ца кхоьру. ¹¹Ткъа доьналлица а, ницкъаца а царал тоьлуш долчу маликаша Везачу Элана хьалха цу нахана вон дош ца олу. ¹²Шайн амалшка хьаьжжина бен ца лелачу луьрачу хьайбанех тера бу и нах. Шайна ца хуург емалдо цара. Схьалеца а, даьа а дуьнен тIе даьхначу хьайбанех терра, уьш а хIаллакхир бу. ¹³Шаьш динчу зуламашна бекхам хир бу царна. Цу нахана моьтту там хилар — дийнан делккъехъ долу даар-малар а, сакьерар а, телхина лелар а ду. Сий доцуш а, хIума сийсаздох-кхуш а болчу царна там хуьлу шайн харцонех, шаьш шуьца той дуучу хе-нахъ. ¹⁴Хьайна хиларх а, кьинойх а дуьзна ду церан бIаьргаш. Сина кIезиг нах талхабо цара. Церан дегнаш Iемина ду саьхьара гIуллакхаш ле-ло. НеIалт хилла нах бу уьш. ¹⁵Нийса некъ дIатесна, тилабелла болу уьш, харц кхоэ сатуьйсус висинчу BeIаран кIентан БалиIаман новкъа бевлла. ¹⁶Амма шен харцонна тIехъ бехке вина БалиIам. Мотт ца хуучу виркхело, адамийн маттахъ ийст а хилла, сацийна цу пайхамаран хьекьалх тилар.

¹⁷Хи доцучу хьостанех а, мохо лаьхкина юьгучу марханех а тера бу харцхьехамчаш. Iаьржачу боданехъ меттиг ю царна кечийна. ¹⁸Даздина, даьсса хабарш а дуйцуш, тилабеллачу нахах хIинца дIакъаьсташ берш дегIана там лохучу а, телхина долчу а хIуманашка марзбо цара. ¹⁹Цу на-хана паргIато яла ваIда до харцхьехамчаша, талхаран леш шаьш доллу-шехъ — стаг ша мел эшийначун лай ма ву. ²⁰Нагахъ цхаьболу нах вайн Веза Эла а, КIелхьардохург а волу Дала леррина кьобалвина Ийса вовзар

бахъана долуш дуьненан айпечу хIуманех къаьстинехъ, ткъа цул тIаьхъа уьш, юха а вочу хIуманна тIе а тевжина, цунна кIел биснехъ, шолгIа гал-бевлча, хьалхачул а ледара хир ду церан хьал. ²¹ Нийсонан некъ бевзина цахилар гIолехъ дара царна, иза а бевзина, Дала тIедиллинарг дIа а тесна, хьалхалерчунна тIе юхабоьрзучул. ²² Амма цаьрца хуьлуш дерг кицанехъ ма-аллара ду:

«ЖIаьла шен Iеттораш тIе юхадогIу»,

кхин а:

«ЦIанийина хьакха хоттала йижа йобду».

Веза Эла схъаварах лаьцна

3 ¹ ХIара шолгIа кехат ду ас шуьга яздийриг, сан хьоменаш. Царна тIехъ шун цIена кхетам самабоккху ас хилларг дагадаийтарца. ² Дагахъ латтаде шайна хьалха безачу пайхамарша аьлла дешнаш а, КIелхьардохург волчу Везачу Элю шуна даийтинчу Шен векалшкахула шайна тIедиллинарг а. ³ Уггар хьалха шуна хаа деза, тIаьхьарчу деношкахъ богIур бу шайн хьарамчу лаамашка хьаьжжина бехаш болу нах. Шух кхаьрдаш, ⁴ цара бохур ду: «Мичахъ ду Иза схъавогIур ву бохург? Дай кхалха буьйлабеллехъ а, массо а хIума хийца ца луш дуьсу, дуьне кхоьлличхъана ма-хиллара». ⁵ Иштта бохучарна дицдан лаьа Делан дашца хьалххе дуьйна стигалш юйла а, латта хих а, хинехула а кхоьлина хилар а. ⁶ Делан ламца цу хенахьлера дуьне, хи а хьадийтина, хIаллакдина. ⁷ Ткъа иштта Делан дашца латтош йолу хIинцалера стигалш а, латта а даго Iалашдеш ду, къематан а, Iеса нах хIаллакбен а де тIекхаччалц.

⁸ Цхьа хIума дицдан ца деза аша, хьоменаш, Везачу Элан цхьа де эзар шо санна ду, ткъа эзар шо цхьа де санна ду. ⁹ Цхьаболчарна ма-мттара, Веза Эла Ша кхочушдийр ду аьлларг юхатоьттуш вац. Амма Иза собаре ву шуьца, хIунда аьлча Цунна ца лаьа цхьа а хIаллакхилийта, ткъа массо а адам, шегара даьллачу вочу хIуманна дохко а даьлла, Шена тIедерза лаьа Цунна.

¹⁰ Нахана ца хууш вогIу къу санна, догIур ду Везачу Элан де, тIаккха гIовгIанца стигалш къайлаевр ю, стигалахъ мел хуьлуш дерг, серла а даьлла, догур ду, латта а, дерриг а цу тIехъ дерг а, даьгна, дIадер ду*. ¹¹ Нагахъ и дерриг а духург хилча, шу муха хила деза? Шун дахар цIена а, суьпа а хила деза, ¹² Делан де тIекхачаре сатуьйсуш а, и тIедар сихдеш а ду шу. Цу дийнахъ цIе летта йолу стигалш юхур ю, стигалахъ мел дерг, догуш,

* ^{3:10} *Даьгна, дIадер ду* — цхьадолчу тептарш тIехъ: [Далла хьалха] карор ду.

^{2:22} Кицанаш 26:11. ^{3:3} Довзийтинарг 1:18. ^{3:5} Доладалар 1:6-9. ^{3:6} Доладалар 7:11. ^{3:8} Забур 89:5. ^{3:10} Маттай 24:43; Лака 12:39; 1 Тассалникахошка 5:2; Довзийтинарг 16:15.

дешар ду. ¹³ Амма, Дала динчу ваIдане а хьаьжна, нийсонан цIа долчу керлачу стигале а, лаьтте а сатуьйсуш ду вай.

¹⁴ Цундела, хьоменаш, цуьнга сатуьйсуш, шайн ницкъ кхочург делаш Далла хьалха бехдалаза а, талхаза а дIахIитта а, Цуьнца бертахъ хила а. ¹⁵ Вайн Везачу Элан собаре хилар вайн кIелхьардовлар ларалаш, шена деллачу хьекьалца вайн хьомечу вашас ПахIала шуьга яз-ма-дарра. ¹⁶ Цо цунах лаьцна дуьйцу шен массо а кехаташ тIехъ. Кхета хала хIуманаш ду царна тIехъ, цундела кIорггера хаарш допучу а, динехъ чIогIа бопучу а на-ха, кхидолу Деза Йозанаш санна, талхадо уьш, цу бахъаненна шаьш хIаллак а хуьлуьйтуш.

¹⁷ Иштта, хьоменаш, хIара дерриг а довзийтина долу шу ларлолаш, харцхьехамчийн галбаьллачу новкъахула дIа ца дигийтархъама а, шаьш ондда лаьтташ долчунна тIера ца дохийтархъама а. ¹⁸ Вайн Веза Эла а, КIелхьардохург а волу Дала леррина къобалвина Ийса вовзарехъ а, Цунах схьадолучу диканехъ а алсамдовлаш. Сий ду Цуьнан тахана а, тIейогIу йолчу ерриге хенахъ а. Амин.

^{3:13} ЕшаI-ЯхIу 65:17; 66:22; Довзийтинарг 21:1.